

瘍

醫

大

全

瘍醫大全目錄

卷三十四

諸瘡部

疔瘡門主論

附方

水疔門主論

附方

紅絲疔門主論

附方

楊梅瘡門主論

附方

楊梅癰門主方

楊梅瘡愈後紅黑疤不褪門主方

結毒門主論附方

補鼻還原法

瘍醫大全卷三十四

蕪湖顧世澄練江氏纂輯

增錢之栢東陽

男 櫟燮用和

全校

諸瘡部

凡疔瘡楊梅結毒俱彙於此部中以便檢閱參治

疔瘡門主論

華元化曰疔有五色屬五臟紅屬心發於舌根青屬肝發於目下黃屬脾發於口唇白屬肺發於右鼻黑屬腎發於耳前以種類言之

孫真人千金方論疔瘡一十三種一曰麻子疔其狀

肉起頭如黍米色稍黑四邊微赤多癢

忌食麻子油衣麻衣

入麻田中行

二曰石疔其狀皮肉相連色如黑豆甚硬

刺之不入肉微痛

忌瓦礫磚石之屬

三曰雄疔其狀炮起

頭黑靨四畔仰炮將起有水出色黃大如錢孔形

高者

忌房室

四曰雌疔其狀瘡稍黃向裏壓赤似灸

瘡四邊胞癰起心凹色赤如錢孔者

忌房室

五曰火

疔其狀如湯火燒灼瘡頭黑唇四邊有烟漿又如

赤粟米者

忌火燒烙

六曰爛疔其狀色稍黑有白斑瘡

中潰有膿水流山瘡形大小如匙面者

忌熱食爛物

七

曰三十六疔其狀頭黑浮起形如黑豆四畔起赤

色今日生一明日生二及至十若滿三十六藥所

不能治未滿三十六可治

忌喫葱蒜積愁

八曰蛇眼疔

其狀瘡頭黑皮浮生形如小豆狀似蛇眼大體硬

忌惡眼人看并嫉妬人見忌毒瘡

九日搨膚疔其狀大如匙面四

邊皆赤有黑粟粒起大

忌食

十二水洗疔其狀大

如錢形如錢孔頭白裏黑膿汁山中梗

忌飲漿水水洗渡河

十一曰刃鎌疔其狀濶狹如薤菜大長一寸左側

肉黑如燒烙

忌刺及刀鎌切割鉄刃所傷可以藥治不可亂攻

十二曰浮

溫疔其狀瘡體圓曲少許不合長而狹如薤菜大

內黃外黑黑處刺之不痛黃處刺之痛十三曰牛

狗疔其狀肉色炮起招不破已上疔瘡十三種初

起瘡心先癢後痛先寒後熱熱定則寒多四肢沉

重心驚眼花若重者則嘔逆嘔逆則難治蘇子疔
一種始終惟癢以上忌禁者不得觸犯如觸犯者
發作難治惟浮瀝牛狗二疔無所禁忌縱不醫亦
不害人其狀寒熱與諸疔不同故不殺人也凡疔
起後背強瘡痛極甚不可忍者是觸犯禁忌以此
爲辨

此條與外臺秘要神
巧萬全所論頗同

王肯堂曰疔之四圍有赤腫名曰護場爲可治疔之
四圍無赤腫名曰不護場不可治

準繩

又曰瘡證急者有應如生一疔之外別處肉上再生

一 小瘡卽是有應可用針挑破護場瘡四圍有赤腫生多瘡者謂之滿天星飲食如常頭痛身熱手足溫

陳實功曰疔瘡有朝發夕死隨發隨死誠外科證中迅速之病也凡治此證貴在乎早如在頭面頭乃諸陽之首亢陽熱極所致其形雖小其惡甚大再加艾灸火益其勢逼毒內攻反爲倒陷走黃之證作矣旣作之後頭面耳項俱能發腫形如胖尸七惡頓起治雖有法百中難保一二不可不慎

正宗

又曰毒發於心經者生爲火瘡疔多生心臟之俞募井之端唇口手掌指節或手之小指初生一點紅黃小泡抓破痛癢非常左右肢體麻木心煩發躁言語昏憤

又曰毒氣發於肝經者生爲紫燕疔多生手足腰脇筋骨之間或足大指初生便是紫泡次日破流血水三日後串爛筋骨疼痛苦楚眼紅目睛指甲純青睡語驚惕

又曰毒氣發於脾經者生爲黃鼓疔初生黃泡光亮

明潤四面紅色纏繞多生口角腮顴眼胞上下及
太陽正面之處便作麻癢絀急硬強重則惡心嘔
吐煩渴乾噦

又曰毒氣發於肺經者生爲白刃疔多生手大指初
生白泡頂硬根突破流脂水癢痛驟然易腐易陷
腮損咽焦毛聳肌熱咳吐膿痰鼻掀氣急

又曰毒氣發於腎經者生爲黑靨疔多生耳竅胸腹
腰腎及足小指湧泉偏僻軟肉之間初生黑斑紫
泡毒串皮膚漸攻肌肉頑硬如釘痛徹骨髓重則

手足青紫驚悸沉困軟陷孔深目睛透露

又曰紅絲疔起於手足節間初起形似小瘡漸發紅絲上攻手膊或攻大腿令人寒熱惡心嘔吐遲者紅絲至心常能壞人急用針於紅絲盡處挑斷出血尋至疔上挑破插入蟾酥條膏蓋內服蟾酥丸發汗追出疔根得膿自愈

又曰唇下疔又名馬口疔

又曰手掌心疔又名擎珠疔

又曰患疔經五六日不瘥目中見火光心神昏昧口

乾心煩嘔吐不定皆屬疔毒內陷均須速治

馮魯瞻曰疔者經曰膏梁之變蓋因膏梁之人皮厚肉密內多滯熱故變爲疔然古方計有一十三種三十六疔之分總由臟腑積受熱毒邪氣搏於經絡以致血凝毒滯注於毛孔手足頭面各隨臟腑部位而發其形如粟米或痛或癢漸至遍身麻木頭眩寒熱時生嘔逆甚則四肢沉重心驚眼花經雖所載疔色有五以應五臟其實紫黑及黃泡者居多先癢後痛先寒後熱也宜內服發散解毒攻

托之劑外敷拔毒菊花葉蒼耳草之類大概疔已成膿則毒已外洩可無他慮惟在初起最宜謹慎疔毒攻心禍如反掌蓋疔由心火蘊結故其疼痛異常爲害甚速病人口嚼生薑不覺薑腥者卽是也若於耳後方圓一寸發者尤甚蓋水枯火熾之極也不可妄動如抓破見風毒卽內攻不救

無藥

又曰紅絲疔者又名血絲疔發於兩手指而作紅絲漸漸行至關節勢必殺人可先以線裝住紅紋之處次將銀針砭去惡血以藥塗之上者血紅次者

血紫下者血黑若一失治則稽留不散輕則爛傷
墜指重則入腹而死

又曰內經以白疔發於右鼻赤疔發於舌根黃疔發
於口唇黑疔發於耳門青疔發於目下蓋取五色
以應五臟各有所屬部位更有發於或肩或背或
腰或足發無定處如在手足頭面骨節間者最急
其餘猶可緩也

李東垣曰疔上按之礮痛應心者是疔也秋冬寒毒
久結皮膚中變作疔瘡不急治之日夜根長流入

諸脉數道如箭入身顛掉不已若不慎口味房室
死不旋踵

精義

申斗垣曰夫疔瘡取治其法不一當先看其緩急如
緩者一日瘡炮白色而小二日色白微大三日色
微紫四日色真紫此候之緩也急者五日色青紫
小六日色深青大緊七日色黑如火灸瘡之狀此
最急之候假如身上生一瘡而他處又生一小瘡
爲之應候先用針挑破小瘡則泄其毒謂之可治
若只有一疔他處無小瘡謂之無應候不可治疔

無應候是毒氣之甚故不可治也大抵疔瘡四圍
有紅赤炊腫者名曰有護場如疔瘡四圍不赤腫
者卽是不護場不可治也有護場方可治也疔之
生者身熱頭疼手足溫煖飲食如常是常疔也疔
之危者眼轉大渴而喘唇面青不進食五心腫無
有脉四肢冷不起床不精神腹痛甚於常是有內
疔也 啟玄

周文采曰凡療疔瘡皆宜刺瘡中心至痛處又刺四
邊十餘下令血出去盡惡血敷藥藥力得入針孔

中方佳若藥不達中藥力難達反致悞事又看口

中頗邊舌上有赤黑如珠子者是疔也

集驗

養生篇曰人汗入肉食之則生疔瘡不可不慎

竇漢卿曰凡疔瘡針刺患人手足中指不痛者難治

又曰如疔在頭面手足骨節間者甚急

又曰疔瘡頭陷碧綠色者不可用針刀出血

又曰疔瘡日久潰爛者不可用針出血只可用刀割

去腐肉

又曰疔瘡生根入腹者便死用磨針刀鐵漿水一碗

絲綿濾淨銀窩內煎三四沸服之病者須臾腸鳴
行利一二次甦醒方妙

又曰疔瘡不破則毒入腸胃惟蟬蛻極效用一兩爲
末蜜調下

又曰疔發於太陽眼邊者名曰釘腦疔十死一生

又曰疔瘡膿水出孔如蜂窠病易瘥也

又曰凡人暴死多是疔毒急取燈通照其身若是小
瘡卽是其毒宜急灸之並服飛龍奪命丹等藥亦
有復甦者

全書

竇夢麟曰嘴唇上疔初如米大或粉刺擠破入湯火風氣卽要變爲疵瘡疵瘡卽疔之別名也先用芎白同飛龍奪命丹五粒和嚼爛熟酒半碗送下以衣覆患上畧出汗爲妙上午服藥下午卽將絕利磁鋒割破瘡口十字卽摻飛龍奪命末在內而外用蟾舌研爛蟾肚底皮貼之內服追疔湯劑若發鬚髮者卽剃去鬚髮如前法治之此法靜夜細思試而行之百發百中活人多矣焉敢自秘遂並梓行病人一月內無色慾者患處平妥無贅肉乃其

徵也 全書

陳遠公曰有生疔瘡者疼痛非常亦陽毒也。生之時人最難辨但以生黃豆令嚼之不知醒者便是其瘡頭必發黃泡中現紫黑之色細看泡中必有紅白一線通出泡外凡疔生足上紅線由足入臍疔生手上紅線由手走心如生唇面紅線由唇面至喉如見此紅線卽於盡處以針刺出毒血則免毒攻心若現白絲不必刺也總以消毒瀉火爲主世人戒用官料之藥此乃不知醫之語毒非藥安

得除哉拔疔散治之紫花地丁甘菊花各一兩水煎服一劑紅線除二劑疔散三劑全愈不必外治挑疔之多事也若已潰爛加當歸二兩治之不必四劑毒盡肉生也

永鑑

胡公弼曰猪疔其形圓而小口內有油忌食猪油猪肉牛疔其形圓而小口內無油炮起搯之不破有寒熱忌食牛肉狗疔其形長而帶尖色赤有寒熱忌食狗肉羊疔其形長而帶白色有寒熱忌食羊肉瓜藤疔不計其數其形圓長如瓜形

因食瓜毒而生忌食諸瓜 荳腐疔其狀白炮三日內頂陷因食荳腐內有人汗而生忌食荳腐氣疔其形或大或小炮白如有氣在內因感恚怒而生忌氣惱 鬼疔其形大小不一因中邪毒之氣而生異於諸疔比氣疔夜甚令人言語如見鬼狀 紅絲疔其形縷縷赤色如絲線周身纏繞宜松針刺去血忌熱物 內疔言其生於內臟腑上腔子裏面喉內口內與外疔更不同利害宜托裏追疔 葡萄疔其形黑兼紫如水晶故名之炮內

黑血毒水宜去之宜托毒 楊梅疔形黑紫如蕪
梅狀若遍身楊梅瘡內雜疔瘡一二個則令通身
瘡不起發須針刺出毒服托裏土茯苓等藥 魚
臍疔如魚之肚臍多生臁膊肚小腿肚上乃手足
陽明經分毒氣治宜加引經藥 蜈蚣疔形長如
蜈蚣亦有頭足發寒熱因飲食中被蜈蚣遊走遺
毒於內而生宜加雄黃

程山齡曰治疔之法貴在乎早初起卽治者十全十
活稍遲者十全五六失治者十全一二內服莫妙

於菊花甘草湯項之以上三陽受毒必用針刺挑
斷疔根插藥膏蓋項之以下三陰受毒卽當艾灸
灸之不痛亦須針刺插藥自效

十法

疔瘡門主方

菊花甘草湯 十法

治疔之聖藥也

白菊花 四兩

甘草 四錢

水煎頓服搗再煎服

反唇疔擎珠疔

經霜南瓜蒂煨灰加水片少許研細麻油調搽

馬口疔生唇下者是

新鮮鱧魚血磨蟬酥塗之

拔療法

巴荳

去殼半粒

磁石

研末

用芎藭和蜜爲膏敷疔上

血疔出血不止者是

眞蘇油一鍾服下自止

蟾酥餅

兼治腦疽乳癰附骨疽醫癰一切惡症或不痛

或大痛或麻木用此敷貼瘡頭

潮腦

硃

砂

各一錢

眞蟾酥

酒化

沒藥

去油

乳

香

去油

明雄黃

芭豆霜

各二錢

輕

粉

五分

麝

香

三分

以上各爲細末於五月五日午時在淨室中用

蟾酥酒和丸如菰豆大每用一丸口涎調貼疔

瘡上以膏蓋之此藥爲丸爲條爲餅聽便施用

一方去巴豆霜潮腦加寒水石

煨

枯礬礬礬各

一錢蝸牛二十一個

惡疔大毒

金銀花

當歸身

各五錢

天花粉

甘草

地丁各三錢 皂角針二錢 川椒九粒

酒煎服

疔毒惡瘡

家菊花並葉共搗汁用酒冲服將搗加鹽少許敷上立愈冬月用根亦可

又方

紫梗菊花搗碎白酒煎服

又方

鱗魚鱗用荷花瓣夾好置書頁中遇疔貼上即愈

大疔惡毒秘方

火 硝

北煤

係用過倒地土搗
內檢出者各等分

研細末磁瓶收貯凡遇一切疔毒用陳窗糊紙
水濕掩疔上再以此藥敷之疔根自出

疔瘡神方

蒼耳草根葉搗爛入童子小便絞汁冷服一鍾日
三次仍以根莖苗葉任取一束燒灰存性爲末用
醋泔藍靛和如泥先將瘡中心及四邊刺破令血
淌出拭淨敷之不過十次根卽拔出爲諸方第一

飛龍奪命丹

正宗

專治疔瘡及癰毒發背腦發乳癰一切無名腫

毒惡瘡及有頭不知痛癢者已成未成神效

蟾酥

酒化

雄

黃

各三錢

乳

香

去油

沒藥

去油

銅

綠

各二錢

膽

礬

硃砂

血

竭

寒水石

各一錢

當門子

冰

片

輕

粉

各五分

蝸

牛

二十一箇

蜈

蚣

一條酒浸泡炙去頭足

右俱爲極細末用蝸牛連殼研如泥少加飛羅

麴和丸如菉豆大每用三丸用芎白三個令病人嚼爛吐於男左女右手心將丸藥放在芎內熱酒送下被蓋約人行五六里出汗爲效無汗以熱酒助之重者再進一服病在上食後服病在下食前服忌冷水瓜茄油膩豬雞魚麴及一切發物孕婦忌服

走馬回疔丹

疔瘡初起針破用此一粒插入孔內膏蓋之次後追出膿血疔根爲效

硃砂

雄黃

各二錢

蟾

酥

酒化

礞砂

白丁香

輕

粉

各一錢

蜈

蚣

一條炙

金頂砒

麝

香

各五分

乳

香

六分

右爲細末糊和成如麥子大挿瘡內以膏蓋之

鉛粉散

冷疔生於脚上初起紫白泡疼痛徹骨漸至腐

爛深孔紫黑血水氣穢經久不瘥用此大效

黑

鉛

四兩鉄杓內化開傾入水中取起再化如
此百遍以鉛盡爲度去水取澄下者三錢

松脂一錢 黃丹飛炒 輕粉各五分

麝香三分

共研細先用芎湯洗淨麻油調搽瘡口油紙蓋好

東毒金箍散

疔瘡針刺之後瘀毒走散作腫宜此藥箍之

生大黃 鬱金蟬肚者 白芨 白薇

白芷各四兩 黃柏二兩 萊豆粉一兩 輕粉五錢

共爲細末酸米漿調箍四邊夏熱甚用蜜水調

消疔簡便方

疔瘡及諸惡毒初起但未成膿者服之神效

白礬

研三錢 芎

白 七莖

右二味同搗極爛分作七塊每塊用熱酒一杯
送下服畢用厚被蓋之再進芎白湯一鍾少頃
汗出如淋從容去其覆物其病如脫此雖味澁
難服其效甚妙凡居鄉村之處遇有此症不及
延醫只傳此方服之活人甚衆誠爲良便方也

敷疔

銀 硃 三錢

紅棗 七個煮爛
去皮核

搗敷留頂

疔

甘 松

三

柰

各五錢

雄

黃

研細一錢

麝

香

一分

酒水各半先煎甘松三柰煎好濾清調雄黃麝香服

紅絲疔

用銅錢捫起頭處將木上舊釘起一根用棉花包裹蘸桐油點着令油滴錢眼內一滴即愈

疔瘡

生芎和蜜搗敷患處過一飯時疔卽拔出

保生挺子

疔瘡背疽癰癤一切惡瘡

巴豆

四十九粒文武火炒研

礪

砂二錢

輕粉

半大匣

金脚信

雄

黃

各二錢麝

香

一錢

爲極細末用黃蠟五錢熔開將藥合成挺子冷水浸少時取出旋丸捏作餅子如錢眼大將瘡頭撥開安一餅子於頂上次用膏貼

蟾酥丹

蟾酥不拘多少黃丹白麴等分爲丸如麥粒大針破疔瘡以一粒納之膏蓋

散疔膏

磁石乳細以芎頭十四根取汁入蜜少許調勻敷留一孔一敷卽散妙不可言內服托裏藥

拔疔

蜣螂腹下有一點白者卽心也先以針刺破疔頭再將針取出蜣螂心點疔頭上以膏蓋之半日間

血出根拔而愈忌羊肉

一切疔腫

孫真人

一色蒼耳草連梗葉燒灰以醋脚泥調搽乾卽再搽重者十次愈

喫牛肉中毒生疔

金線重樓

卽七葉一枝花

不俱多少切碎研細和溏雞屎

調勻搽上立效

疔瘡怕動刀針

巴荳仁一粒

飯一粒研貼瘡上立時拔出疔根

再尋癩瘡取肝貼上神效

諸疔

菊花葉搗汁服一碗死可回生

疔毒已篤者二服卽愈

潘霞山

土蜂房一具 蛇 蛻一條

黃泥固濟燒存性爲末每空心好酒服一錢少
刻大痛痛止其瘡已化爲黃水

爛頭疔

白梅二個

大蜈蚣二條

白菊花根一把

共搗爛加透明雄黃同敷如乾再另敷一二遍
無不愈者

紫馬疔

切不可食肉生白酒煎蓀蓀草紫花地丁車前草
服之

追疔奪命湯 赤水玄珠

羌活

甘草節

蟬蛻

川黃連

獨活

北細辛

青皮

金銀花

防風

澤蘭葉

殭蠶

金線重樓

赤芍 各等分

有膿加

何首烏

白芷

要通利加

大黃

牽牛

青木香

山梔

毒在下加

木瓜

各等分

每服五錢先將一貼加澤蘭葉金銀花各一兩
姜十片煎熱服汗出爲度病退再加大黃二錢
煎熱服取利一二次去餘毒爲妙此方取效如

神百發百中若心煩嘔吐用甘草節萊豆粉各等分酸漿湯調下二錢如嘔逆惡心用乳香萊豆粉各等分甘草湯調下二錢

小奪命散

治疔瘡及腦疽惡毒其效如神

槐花子

地丁

千頭子

卽掃帚子又名地膚

子各等分

水煎通口溫服加真蟾酥少許尤妙

拔疔丹

一名疔毒撒回畢峻功

凡一切疔瘡無名腫毒初起磨敷已成已潰用
一粒放瘡口上膿血卽拔出如遇陰疽對口大
症可用十數粒鋪瘡上如神

巴荳霜

乳香去油沒藥去油

真蟾酥

酒化開乳成膏雄各二錢樟冰

露蜂房

陰陽瓦焙存性劈硃砂各一錢真輕粉

當門子

各五分

右各乳極細照分兩稱準和勻以蟾酥膏和杵

爲丸如藥珠大晒乾磁瓶密貯任用

此卽蟾酥餅原方加

露蜂房也

疔瘡丸

馬驥功得自盧成瑛傳

專消一切疔瘡兼治濕痰流注梅瘡初起

巴豆仁

去皮膜

明

雄

生大黃

各三錢

共研細末加飛麪醋打糊爲丸如金鳳花子大
每服二十三丸熱湯送下瀉三四次無妨弱人
只服十九丸自消得噓卽愈

髭疔紅絲疔面白疔腫脹至目與鼻俱隱入肉裡牙
關緊急

昔有一道人用患者耳垢齒垢刮手足指甲屑和
勻如荳大放茶匙內燈火上炙少許取作丸將銀
簪將疔頭挑開抹入外用棉紙一層津濕覆之痛
立止半日目可開腫已消半次日服活命飲二劑
遂愈

血疔或生肘下或生眼角疔有一竅如針眼淌鮮血
不止

真香油四兩無灰酒不拘多少和勻熱服其血立
止隨用野菊花濃煎常服切忌茶湯

萬靈奪命丹

治一切疔毒入腹煩悶惡心兼治癰疽發背惡瘡

硃砂水飛 蟾酥人乳泡 輕粉

膽礬各五錢 銅綠 血竭各一兩

雄黃 枯礬各二兩

共爲細末麩糊丸芡實大每服一丸令病人先將葱白三寸嚼爛吐在手心將丸包在葱內熱湯吞下出汗

疔

生磁石 一錢
麝香 一分

研極細每用少許膏蓋

又方

胡椒 二十五粒
大獨蒜 一個
葱白 三根

共搗爛油紙上作膏貼之神驗

秘方

用鐵釘放屋上受風露之氣日久上鏽以刀刮下
乳極細加麝香少許磁瓶密貯如遇疔瘡已破者

摻少許卽流黑水不過三次疔根自出如未破者
以水調點疔上卽可拔疔如神

疔瘡不用刀針 杜寶山

草薺仁 七粒 銀 硃 一分

共研細如乾加唾津少許疔頭讓出卽週圍敷
之兩三次卽出小黃頭矣

拔疔第一方 徐義峯

草薺仁 四十九粒半 杏 仁 去皮十粒半 松 香 二兩一錢五分

荔枝肉 三個半 銀 硃 少許

共搗成膏貼之

拔疔 吳韻清

荔枝肉 一個

塘雞屎

菊花根葉 不拘多少

共搗爛敷上立愈

又方

鮓魚鱗貼之

水疔門主論

凡人手足一時生出小瘡四圍紅赤中間一點漆烏
堅硬如石痛不可忍者名曰水疔破後惟流血水

水疔門主方

治水疔

土牛膝不拘多少搗爛入塩少許和勻敷疔上半日卽愈

又方

陳壁土 食塩 各一錢 雄黃 三分

共研細末津唾調敷疔上其疔自落

水疔

五月五日午時採蓀草搗細末酒調服三錢取

汗

又方

荔枝肉一個貼疔上以生白酒飲醉取汗爲度

紅絲疔門主論

胡公弼曰紅絲疔一名急疔生於手足肘腕之間初起如黃豆大色似緋袍此疔根行如箭日夜行一尺二寸狀如紅絲線一般皆因大喜大怒氣血逆行所致走入心腹令人悶亂不救凡遇此等急症尋見紅絲之處卽用神針針斷其根針入四五分取去紫黑惡血急服追疔奪命丹隨飲浮萍酒立愈

無愧青囊

紅絲疔門主方

浮萍酒

陸伯璵

治紅絲疔一服卽愈

浮萍不拘多少搗爛用好酒一觔或半觔煎滾沖
浮萍內半時許通口服隨嚼浮萍草敷疔上

楊梅瘡



楊梅瘡門主論

陳實功曰楊梅瘡者又名時瘡俗名反瘡因其形類楊梅耳總由濕熱邪火所化先從上部見之皮膚作癢筋骨不疼其形小而乾者是氣化傳染乃脾肺受毒毒在皮膚不曾傳裏爲輕宜萬靈丹發汗白解先從下部見之筋骨多疼小水澀淋其形大而硬者是精化慾染乃肝腎受毒毒在骨髓未透肌膚爲重宜九龍丹通利以瀉骨中之毒須內毒已解筋骨不疼瘡根淡白方可搽藥若求速効妄

用藥薰擦必貽後患醫家病家均慎重之 正宗

馮魯瞻曰楊梅瘡者因形相似而名之也凡氣受之而得者堅實凸起又名棉花瘡若血受之而得者其形扁摺而潰又名菓子瘡皆類其像而俗呼之北方名曰天泡瘡雖名異而實同然治療須別凡自致者重傳染者輕自致者淫慾太妄以致陰處先見及縱口恣味三焦皆熱精竭血結遺滯諸經而成也傳染者中氣不足外染稍輕然患此者切不可用毒物發之亦不可用涼藥遏之並求速效

須用煎藥解毒補益托散外用煎藥洗浴仍以膏藥搽貼拔毒出外方無後患 錦囊

申斗垣曰陰楊梅瘡與陽楊梅瘡大不相同陰楊梅瘡色紅而不起不破乃血中受風熱之毒又云男子受婦人梅瘡毒穢起相感而生 攷立

又曰翻花楊梅瘡是表虛毒勢猖獗而成

又曰楊梅豆子是毒氣之微感之輕也

又曰楊梅癰是患瘡時食了牛肉或洗浴當風抓癢有犯房慾致令渾身腥臭或乾而起白屑或腥水

淋漓治當分氣血身之上下多少

又曰楊梅瘡食猪腸臟致令愈後復生楊梅圈子瘡也

陳遠公曰有嫖妓戀爐酣戰覺馬口間如針刺痛此毒氣已過也未幾生魚口矣生疳瘡矣徧身生瘡矣黃膿汎濫臭腐不堪人以爲毒盛多用敗毒之味不知日事敗毒而毒益盛瘡益多有腐爛而死者夫楊梅之毒中於泄精之時必元氣虧損故毒乘虛而入若元氣大旺毒難深入卽有傳染不過

輕微之毒可一瀉而痊遍身毒瘡乃大虛而毒深
中也不補虛而瀉毒何能奏功乎若止服敗毒無
異下石矣二生湯生黃芪土茯苓各三兩生甘草
三錢水煎服四劑瘡漸紅又四劑乾燥又四劑全
愈

此方不去解毒只以黃芪補氣氣旺邪自難留
得甘草之化毒土茯苓之引毒毒去而正氣無
虧氣生而血又能養此治之巧無如
人不知也可勝嘆息云

辨證水鑑

胡公弼曰楊梅瘡又名砂仁瘡其患皆因色慾過度
染受穢污惡毒或先患下疳或先患橫痃然後始
發此瘡此瘡將萌手掌心隱隱當見紅點治之者

切不可苟圖財帛暗用輕粉等藥隱之梅毒一服
輕粉如油入麪毒入筋骨而莫能解也不但終身
骨中疼痛結毒潰爛上至五官頭顱下至玉莖元
首蟲蝕無存噫輕粉之爲害可勝道哉患此瘡者
亦不可畏人物議而求速效醫者當盡發其毒使
之外出務使永無遺患

無愧青囊

又曰有患楊梅毒瘡遍身獨有一二個形色黑紫如薰
梅痛疼特甚多令通身瘡不起發此乃楊梅疔也
卽如痘疔阻遏不能起發行漿無異須用針刺出

血服托裏土茯苓等劑

又曰楊梅漏初起似肉泡其人起薄皮層層揭去直
搗至三四十層方能穿破宜服人參芪苓湯毒未
穿不用膏藥如已破貼梅漏膏待肉平去膏藥

蔣示吉曰總之楊梅瘡宜發不宜遏貴在除根莫求
速愈得其旨矣 說約

廣筆記云有以水銀番礪搓擦五心醫楊梅瘡致令
患者三日間舌爛齒脫喉潰穢氣滿室吐出腐肉
如豬肝色二便不通湯水不入腹脹幾死證已危

急矣醫斯證者須以手按病人之腹不痛者知雖
脹未堅毒未及心其毒尚淺速治可救法用鉛二
觔分百餘塊加大劑甘桔湯料銀花甘草各四兩
水三十碗煎濃汁先服三四碗徐澆舌上任其自
流澆灌一個時辰其舌卽可轉動口內可卽漱淨
隨令飲汁數盞將前渣再煎連前剩汁纔和一處
頻頻洗濯手足次日二便出黑水無數始安然後
用吹口藥及內服敗毒內托之劑而痊

澄曰楊梅瘡又名綿花瘡因其綿綿難絕也又名時

瘡乃時氣乖變邪氣湊襲形如楊梅或上或下綿綿不絕皆由入房不淨淫火鬱結之毒若瘡毒傳染氣化者輕先入脾肺其瘡先見於上部皮膚作癢筋骨不疼其形小而且乾毒在皮膚未經入裏治宜發散若淫女搆精精化慾染者重流於肝腎先發下疳次生魚口先從下部見之漸至遍身大而且硬筋骨多疼小水澀淋此症最重因其毒氣內入骨髓外達皮毛若非汗下兼行將何以洗濯其臟腑乎若瘡發已久氣血已虛毒猶未退宜解

毒托散爲主總以醫至筋骨俱已不痛瘡根淡白
內毒已散方用點藥輕者半年重者一載方可全
愈若不遵此法欲其速愈妄用薰條擦藥哈吸等
法往往致成後患者多矣

楊梅瘡門主方

首用第一煎方

全當歸

穿山甲

切碎微炒

甘草節

沒藥

去油

柴胡

乳香

去油

天花粉

川貝母

皂角刺

赤芍

各三錢

防風

連翹

肉桂

各二錢四分

金銀花

廣陳皮

各七錢五分

白芷

二錢一分

右各準稱分作三劑每日一劑用黃酒一觔水

一觔煎至一觔爲度宜砂罐煎之溫服取汗
次水酒減半照上溫服取汗戒口味不過三服
卽愈看何部位照後加味治之神效

頭上加 藁 本

面上加 升 麻 白 芷

頂上加 升 麻 桔 梗 羌 活

腹上加 白 芷 柴 胡

背加 皂角刺

胸加 瓜 蒌

腰加羌活獨活

脇肘加柴胡青皮

臂上加肉桂羌活

耳後加升麻柴胡獨活

桔梗

四肢加肉桂金銀花

肩膊加肉桂升麻

脚底加肉桂牛膝

瘡成加肉桂皂角刺以上引經藥各加一錢

煮棗神方 家秘

何首烏 半觔

天花粉

威靈仙

鱉甲 炙

金銀花

皂角刺

川草薢

白殭蚕

木通

白芷

麻黃

蟬蛻

當歸

蒼朮

川芎

各二兩 生大黃

生

地

各四兩

全蛇蛻

一兩

右藥用水一斗磁鍋內煎至五六升去渣淨揀大黑棗五觔入汁再煎收至藥汁乾爲度將棗晒乾不時食數枚毒漸消口自收落靨而愈

消風敗毒散

歸尾 川芎 生地 赤芍

黃芩 乾葛 升麻 各一錢 川黃連

防風 黃栢 連翹 各八分 羌活

金銀花 蟬蛻 甘草 各五分

水煎二三劑熱服 初起必加大黃二錢芒硝

一錢五分通利惡物去淨後卽勿用

廿四味風勝飲 說約

毒發出時用

防風 荆芥 白芷稍 連翹

苦參 赤芍 黃連 地骨皮

白蘚皮 黃芩 山梔子 歸尾

木瓜 金銀花 蟬蛻 苡薏仁

黃栢 殭蚕 五加皮 甘草

白蒺藜 皂角刺 各一兩 土茯苓 白實者三觔

上部瘡多倍加川芎 下部瘡多倍加木通

瘡痛加羌活獨活 體虛加人參茯苓去梔子

分作五六十劑每日水煎二劑服 忌牛肉燒

酒猪肝腸鹽宜炒過食不炒恐生癰此方起死

回生活人甚衆

羊肉發藥 說約

梅瘡初起皮膚燥癢上部多者

蟬蛻

川芎

當

歸

各三錢

威靈仙

一兩

麻

黃

春用七錢夏用五錢秋用九錢冬用二兩二錢

先用羊肉一觔水十碗煎七碗去羊肉入前藥

於汁內煎至三碗去渣一日內早午晚分三次

服完用羊肉好酒過口喫盡被蓋取汗或吐或

瀉三四次以粥補住內毒日解外毒自發忌牛
狗鷺雞火酒茶醋等物每早食仙棗三枚如病
人不能飲酒或虛極者服胰子湯

仙棗方

大黑棗二十一枚去核入胡粉三分逐個用線紮
緊放小砂礮內畧放水煮熟露一宿空心喫三枚
冷茶送下

胰子湯

說約

楊梅人虛氣弱不能汗下用此解毒托散方能

送毒出外

薏苡米

川芎

金銀花

牛膝

木通

胡黃連

當歸

川黃連

防

風

錢各一

甘

草

六分

白

殭蚕

七條炒研

土茯苓

二觔米泔浸一二時打豆大勿犯鉄器并花水洗淨

肥皂子

七粒打去黑皮

陳酒河水各二碗煎一半入前藥併胰子一副

去油淨同煎一碗空心服取汗忌口如前虛弱

甚者加人參

猪肉茯苓湯

說約

梅毒下身先見遂及遍身骨節酸疼二便澀滯

牛膝

蒼耳子

甘草

金當歸

蛤粉

金銀花

紅花

天花粉

皂角刺

各二錢

蟬蛻

二十一箇

土茯苓

洗淨木槌打碎

精豬肉

各四兩

穿山甲

廿一片土炒研大

黃

大便秘結用一兩如常者用五錢自利者不用

生白酒三碗煎一半空心服豬肉過口大便利

三四次後以粥補佳

仙遺糧湯

說約

土茯苓

卽仙遺根洗淨木槌打碎二兩

皂莢子

五箇切片微炒

當歸

白蘚皮

川芎

薏苡仁

木通

威靈仙

防風

金銀花

木瓜

茅蒼木

各一錢

甘

草

五分

人

參

瘡久氣分虛者加入

水二碗煎八分看病上下食前後服腿腳之下

加牛膝一錢病淺者一月可退病深者百日可

痊此瘡欲發先發下疳預服此方能免發瘡也

此治梅毒初起筋骨疼痛數月延綿不已並治

楊梅風毒誤服輕粉癰瘡骨疼不能動履之良方也食忌全前

解毒天漿飲

梅瘡不問新久遍身潰爛及筋骨作疼者

土茯苓二兩 防風 當歸身 蟬蛻

防已 白蘇皮 連翹 海風藤

皂角針 川芎 金銀花 木瓜

苡仁各一錢 天花粉二錢 甘草五分 牛膝下部加一錢

水二鍾煎八分臨服入酒一杯量病上下服之

楊梅結毒 王明宇

天花粉 二錢

白殭蚕

蟬

蛻

去兩眼珠脚尖

杏仁

肥皂子 獨核者

皂莢子

以上各七箇

金銀花 五錢

土茯苓

取牽連疔瘡長者名鑽筋透骨草四兩壯實用六兩

忌見鉄器用井水六碗煎三碗任服忌茶醋鹽

戒房事如無獨核肥皂子便用肥皂子十箇打

開看內有黑色黃色油膩味的俱不可用只揀

青草色的方可用皂莢子如蟲蛀的便用十箇

如初生魚口渾身筋骨疼痛卽宜服此便可不

發梅瘡此方得之異傳活人千萬功效甚捷但服是藥日日須喫白水肉以免心嘈不可少也

經驗梅瘡方

錦囊

麻黃

穿山甲

白芷

威靈仙

蟬

蛻

各二錢

生黃芪

一錢

生羊肉一觔水五碗煎三碗將藥取起入藥在湯內煎至二碗熱服蓋被出汗爲度

楊梅瘡楊梅風方

錦囊

上茯苓

四兩

川當歸

金銀花

牛膝 各二錢 皂莢子 甘草

防風 羌活 川芎 各一錢

熟地 三錢

水煎三鍾三次服

又方 錦囊

土茯苓 四兩 金銀花 皂角 各五錢

水煎湯另用大肥皂核燒存性爲末每用三分

調服

梅瘡神方 啟玄

川黃連

川芎

胡黃連

當歸各一錢

土茯苓二兩

猪胰子一箇

酒水各鍾半煎一鍾看瘡上下分食前後服

二皂飲

沈員嶠

肥皂子

獨核者二十粒

皂角子

三十粒

苦

參

金銀花

各一兩

河水碗半井水碗半煎一碗露一宿次早空心

熱服其毒自消

又方

土茯苓

四兩

蟬蛻

皂角刺

肥皂子

殭蚕

各一錢

水三碗煎一碗服一七除根

人參芪苓湯

土茯苓

四兩

人參

一分

土黃芪

三錢如無以黃芪代之

水十五茶鍾煎湯當茶只食淡肉忌鹹

楊梅瘡服此永無結毒之患

濟生

胡黃連

三錢

牛膝

川黃連

酒炒各一錢

加新鮮土茯苓一觔洗淨木槌打碎水入碗瓦

罐內煎至四碗入猪胰子一箇再煎至二碗再將猪胰子一箇剉碎入藥內同胰子一日服盡

寶靈丹

母論梅瘡初起已潰服此神效並治結毒下疳串毒以及男女內外不可明言之處惡毒等症

珍珠

豆腐包煮透研

滴乳香

去油

廣木香

真血珀

另研

沒藥

去油

沉香

冰片

各一錢

西牛黃

五分

辰砂

水飛五錢

真胎骨

不拘多少沉香煎水製過

滴乳石

三錢用零陵香紫背天葵甘草茅香各三錢水煎一伏時收取研用

右藥各味另研照分兩配合再研千餘下磁瓶收貯每用丹三分加飛白麴二分和研極勻分作三服每服用新鮮土茯苓一觔刮去粗皮以木槌打碎入砂銚內加河水十碗煎至六碗每用二碗調服上丹一分七厘如患者中氣不足土茯苓只用十兩大便不通加百草霜五分調服膿水多加當歸白芷各一錢五分毒在上部加川芎桔梗各三錢在咽喉加玄參三錢在腰

加杜仲三錢在脇加柴胡防風各三錢在下部
加牛膝苡仁防已各三錢俱加入土茯苓湯中
煎服服過如毒氣不行小便不利可於土茯苓
湯中加利水等味服之自利一料除根

琥珀牛黃丸

治楊梅破爛並一切疽癰久潰膿水不乾者

琥珀

猪牙皂

木

香

各一錢

人中白

煨

輕粉

雄

黃

硃砂

乳

香

去油

沒

藥

去油

白芷 各三錢 當歸 二錢 西牛黃 三分

槐花 炒一兩 丁香 香 春夏一錢五分 秋冬三錢

右爲極細末酒糊爲丸如蘿蔔子大初服五丸
五日後服七丸又五日後服九丸又五日後仍
服七丸又五日後只服五丸週而復始俱用土
茯苓甘草煎湯下其毒消散如神

又方

芝 蘇

槐角子 各一升

全炒研細每清晨白湯調服二合七日卽愈

又方

陳琉璃陰陽瓦焙研極細土茯苓煎湯調服二錢

又方

白果肉

紅棗肉

肥皂子各四十粒

共搗爲丸每早土茯苓湯送下三錢

又方

羊糞不拘多少陰陽瓦焙存性每服三錢好酒送下數服自愈

又方

紅棗肉

核桃肉

輕粉各二錢

共研細作丸分九服每服三十九丸硃砂爲衣瘡
上食後服瘡下空心服七日瘡愈換用花椒七
粒泡湯送下

梅瘡神效丸 錦囊

棉花核 炒

肥皂核 炒黃

廣膠 麩皮拌炒

槐花米 炒

馬料豆 炒

麻子 炒各半升

爲末雄猪胆汁爲丸每服五錢酒送下生在上

身者加穿山甲 土炒二兩

又方 錦囊

硃砂 二錢

雄黃 一錢五分

苦參

荊芥

天麻

麻黃

面粉

牛蒡子

槐角子 各三錢

右爲末用糖心雞蛋爲丸桐子大每服三十丸
用雞湯或羊肉湯送下一日一服表出毒氣再
不發忌一月房室神效

楊梅瘡後腫塊方 錦囊

冷飯團 十五兩 防風

薏苡仁

木通

金銀花

防已

白蘚皮

木瓜

皂角刺

茯苓

各五錢

白芥子

四錢

歸身

七錢

分三十服每用水煎空心午飯前晚飯前各一服忌雞魚生冷房事及煎炒茶酒十餘日立效
虛弱人加人參五錢其妙不可盡述

梅瘡遍身臭爛

大蟹蟬一隻竹刀腹上割一小孔將大紅棗填滿
再加蟾酥五分用線紮好麻油半觔入砂鍋內炙

至黃色爲度取出研細磁瓶收貯每服三分無灰
酒調服取汗五日全愈

忍冬湯

金銀花 二兩 黑料豆 二兩 土茯苓 四兩 甘 草 二錢

白水煎每日一劑助藥力

金蟬蛻甲酒

梅瘡不拘新久輕重皆驗並治結毒筋骨疼痛
諸藥不效者更妙

好酒五觔大罍一箇浸酒內封瓶口煮兩炷香

取起待次日隨量之大小飲醉爲度冬夏蓋煖出汗爲效所剩之酒次日只服量之一半酒盡瘡愈服酒後七日不見風要緊忌口味房事百日除根久不收口

陳肥臘肉切薄片貼上日三易先以千里光煎水洗之

神應散

何首烏

天花粉

荊芥穗

苦參

防風

各一兩

肥皂核

燒存性

薄荷葉

各五錢

共爲末分十服每日用新鮮白土茯苓八兩雄
猪肉四兩入前藥一服用水七碗煮爛去渣其
肉聽食其湯代茶飲之不過十日全愈再無餘
毒如善啖肉者可作大劑與之

先天一氣酒

治楊梅瘡筋骨疼痛

鉛七觔打成片剪碎用上好堆花燒酒十五觔將
鉛片浸酒內泥封壘口隔湯文武火煮一晝夜埋
土中一七退火氣早晚任服一二杯待筋骨不痛

然後服入寶丹收功

蛭螭槐花丸

沈貞疇

槐花揀淨炒研細用蛭螭搗丸空心酒服三錢

口上楊梅瘡

先將豆腐楂焙熟將布囊盛之熨嘴俟作瘡時以
膽礬塗之卽愈

翠雲散

銅綠

膽礬

各五錢

熟石膏

輕粉

各一兩

共研極細末磁瓶收貯濕瘡乾摻乾瘡公猪膽
汁調點一日點三次自愈

又方

杏仁肆拾玖粒泡去皮尖壓去油取霜研極細人
輕粉三錢冰片五分再研勻猪脊髓調點若瘡一
二箇既大且硬可先用白降丹少許拔去毒氣後
用此藥收功

鷺黃散

正宗

梅瘡潰爛成片膿穢多而疼甚者宜之

石膏煨

黃柏炒

輕粉各等分

研爲細末乾摻爛上卽可生疤再爛再摻毒盡乃愈此解毒止痛收乾之妙藥也

梅瘡點藥啟玄

白砒

精猪肉各一兩紅棗肉五錢

共搗如泥外用黃泥固好火煨紅取出研細末用鷺膽調搽如神

又不疼點藥啟玄

真輕粉

杏仁皮

松花粉

各一錢

冰片

一分

湯醫方卷三
用鷺膽汁調搽

梅瘡靈藥 啟玄

水銀

皂

礬

各一兩

火

硝

明礬

青

鹽

各一兩二錢五分

共研入陽城罐內鹽泥固濟先文後武打三炷香取出冷定聽用點梅瘡神效 一方多雄黃

硃砂各三錢

白粉霜

點楊梅瘡

水銀一兩 食鹽 明礬 皂礬

火

硝

各二兩

雄

黃

硃

砂

各三錢

除水銀不研將六味研末入陽城罐內中間放水銀上以鉄蓋蓋好再用鉄線紮緊以牡蠣鹽泥封口晒乾裂縫補好照昇藥法昇打三炷香爲度冷定取開刮下蓋內靈藥每用一二厘冷水調點三四次愈

梅瘡膏藥

猪油熬去渣一兩加香油三錢全熬離火稍冷加

乳香沒藥各五錢兒茶七錢研細攪勻又入冰片麝香各一分輕粉五分臨用攤貼神效

又膏方

老松香一觔河井水煮九次先用麻油四兩煉滴水成珠入煮過松香膽礬銅綠二味只各用一兩研細攪勻收膏攤貼

梅漏膏

麻油半觔熬至滴水成珠入白蠟五錢熔盡入血竭兒茶乳香沒藥各五錢膽礬一錢再下飛丹二

兩鉛粉五錢離火入冰片一分麝香二分攪勻成

膏欲去汚肉加龍骨赤石脂各二錢

五寶丹

丁惠生

杏仁

五粒去皮乳霜

輕粉

五分

銀

硃

三分

冰片

一分

麝香

五厘

共研極細末破者乾摻未破者水調塗之隔日

痂脫自愈

洗梅瘡法

黃連

黃芩

黃柏

黃蠟

白

芡各五錢

川

椒三錢

食鹽

少許

煎湯洗之

又方

用煎湯入好醋少許加冬青葉三四十斤全煎取葉貼瘡上搯再煎湯洗

又方

土菖蒲煎湯洗瘡易於收口

又方

臭梧桐

金銀花

野菊花

各等分

煎湯入舊馬桶內薰之一日二次有痔漏加枸

杞子

通仙五寶散

王范泉傳

鍾乳粉

三錢六分

琥

珀

冰

片

各六分

大丹砂

二錢四分

飛白麵

炒一錢八分

各稱足和勻分十二服每日用土茯苓一觔水

煎十二碗清晨一碗入藥一服服其土茯苓湯

須一日服盡

不可別飲湯水並茶

重者再服一料無不愈

者忌雞鵝牛羊房事此方古今第一

初起燻法

秘本

辰砂末一錢綿紙分作七條香油浸透每次薰二條燻時板凳坐着暑天用單被冬天用夾被蓋之不可出氣要口含水恐傷口皮燻完吐去不可嚥下其效如神

此方弱人不宜輕試

搜風解毒湯

潘霞山秘錄

治梅瘡不犯輕粉重者月餘輕者半月愈

土茯苓

一兩

薏苡仁

金銀花

防風

白蘚皮

木

瓜

各五分

皂莢子 四分

氣虛加人參 七分 血虛加當歸 七分

白水煎日三服 忌茶並毒物房事

西聖復煎丸 扶構寶林僧傳

已破危篤百方不效用此如神

丁香 焙 乳香 去油 沒藥 去油

兒茶 各一兩 血竭 阿魏

白花蛇 各四兩 飛白麵 一觔 白蜜 六兩

香油 四兩 棗肉 入兩研末

搗丸彈子大每用一九土茯苓四兩煎湯化服

五寶霜

懷德堂秘方

水銀一兩

硃砂

雄

黃

各二錢五分

白礬

綠礬

各二兩五錢

研勻礬盛燈蓋蓋定鹽泥固濟文武火煉升礬口掃收每以昇藥三錢入乳香沒藥各五分研細末摻太乙膏貼之絕效

楊梅結毒

秘方

皂莢

五加皮

當歸

白蘚皮

金銀花 各二兩

分八貼每貼加土茯苓四兩煎服

楊梅瘡神驗方

周鶴仙方

牛角

羊角

穿山甲 各二兩

皂角刺

三錢

生大黃

十二兩

牛羊角穿山甲三味用濕紙裹煨焦取淨末如

前數全皂角刺生大黃合爲細末每服五錢陳

老酒調服出恭時宜於空地上解完即將土掩

之恐惡氣害他人也間二日再服一服最重者

不過三服神驗

又方 周鶴仙方

土茯苓二觔用石打碎猪胰子一箇去油水四升
全熬成二升去渣再兌入好酒二觔金銀花生地
桔梗當歸各五錢熬成二升温服渣再煎減半四
服全愈此天下第一奇方也

神方 周鶴仙方

生大黃

麻黃

黃芪

蟬蛻

陳皮

各四兩

猪

肉

一觔四兩
爲六塊

作一劑酒六碗水六碗煎六碗每日食肉一塊
湯一碗分作六日喫三天發汗三天長齊三天
貫漿三天結靨共十二天全愈並無回毒屢驗
只用一劑不可以平易忽之

又方 周鶴仙方

雄

黃

分一錢五

輕

粉

一錢

杏

仁

去皮尖三十粒

共爲末先將瘡洗淨用雄猪膽汁調搽二三日
卽愈百發百中天下第一方也

小兒梅瘡起於口內延及身膚

外科發揮

土茯苓末乳汁調服月餘自愈

楊梅瘡神方

潘大章

石膏

飛滑石

各一錢八分

生甘草

一錢

硃砂

生明礬

血竭

乳香

去油

沒藥

去油各六分

冰片

一分

麝香

八厘

右乳細末約重七錢分作七服每用土茯苓一觔打碎一半鋪瓦銚內將藥放土茯苓上又將這一半土茯苓蓋上水四碗煎二碗分二次一

日服完七日七服自效

楊梅瘡

初起先服三四劑升發毒氣

川芎

升麻

連翹

金銀花

當歸尾

甘草節

黃芩

羌活

黃柏

生地黃

白葛根

穿山甲

白芷

蟬蛻

赤芍

防風

水酒全煎服

後服此方三四劑全愈

人參

五分

川芎

防風

薏苡仁

金銀花

牛蒡子

甘草

牛膝

蒼朮

全陳皮炒去陳皮

土茯苓

皂角刺

生地黃

當歸

羌活

木通

水酒全煎服

楊梅瘡藥

膽礬五錢研碎紙包麝煨熟取研細末一錢沒藥八分京墨調搽

劉氏楊瘡秘方

蟬

蛻

一兩五錢

歲靈仙

白蒺藜

炒去刺各二兩

防

風

五錢

麻

黃

頭一劑冬用一兩夏用三錢春秋只用五錢

先用羊肉一觔煮爛將羊肉取起只用湯吹去湯上浮油患人每歲加胡椒一粒爲引將藥入湯內煎成一大碗再將前煨湯的熟羊肉入醬油用酒飯任意喫之再服煎藥蓋煖取大汗透次日必要洗浴連頭髮內都要洗透不然恐

有落髮之患第二劑去麻黃加大黃

年幼壯實者用五錢

年紀大弱者用三錢藥用水煎不用羊肉湯藥煎好方下

大黃一二十沸即服俟行過四五次即以溫粥

補之即止第三劑去大黃加人參

多寡聽用

煎服搗

再煎服第四劑去人參加土茯苓半觔獐猪肉

四兩同煎服再服三劑共七劑全愈

老君丹

祁道士門人張元履傳邵宗堯用之屢驗

白粉霜

一兩

蜈

蚣

去足

全

蝎

酒洗

直僵蠶

炒去絲

穿山甲

土炒

硃

砂

水飛

雄黃 水飛

廣三七

蟾酥 各五錢

乳香 去油

沒藥 去油

防風

荊芥 各三錢

牛黃 三分

或加竹青蛇末蒼龍末各五錢更妙

各研細末稱準和勻老米糊爲丸如藥豆大陰

乾 凡靈藥爲丸之藥俱要陰乾不可此丹專治

楊梅結毒一切無名腫毒癰疽疔毒對口痰核

瘰癧濕痰流注每服一分或二三分黃酒送下

看人壯弱病之重輕全在人之機變增減用之

如神 如治結毒常服不比暫用當每服數厘

以免口商之患

昇白粉
霜法

火

硝

鹽各一兩

明礬

水銀

如昇藥法昇三炷香取出靈藥以紗囊包紮
好用健猪蹄一隻入鍋內以水十五碗煮蹄
半熟去蹄取湯加生甘草一兩全紗囊入湯
內煮水乾為度將靈藥袋埋土中三日取出
研細配前藥用

點梅瘡

丁郁文

兼敷大毒癰瘤

紅昇丹

五分

輕粉

一錢

鉛粉

粉

紅一錢五分

膽礬煨四分

乳極細用人乳或鷺膽調以羊毛筆蘸掃二三

次卽愈

透頂神功散水利道憲王

治楊梅瘡魚口惡瘡已出者七八日好未出者

半月後手足心起一豈大泡卽是毒從此出

鹿茸蜜炙

穿山甲炮各一錢五分大貝母

知母

白芷各四錢僵蠶三錢

用河水二大碗煎一大碗將熟入生熟大黃各

五錢畧煎十數滾傾出露一宿再用乳香去油

藥去油各一錢麝香一分研細末放碗內五更時將藥

溫熱冲服蓋被出微汗行過數次以溫粥止之

忌猪肉

三三丸 孫北樓

楊梅等瘡

兒茶一分輕粉五分砒八厘壯者用一分

共研細麵糊丸如菜豆大分作九服一日三服

清茶送下三日後無形迹

楊梅瘡

生大黃

生地

金銀花

甘草

各五錢

猪

胰

一具

河水煨服

又方

土茯苓

八兩

杜仲

皂角末

金銀花

各五錢

五加皮

一錢

甘草

二錢

水煎服至重者十劑全愈

又方

川烏

黃

栢

各五錢

研細猪膽調搽

茯苓糕

治楊梅瘡

土茯苓

去粗皮
爲末

白

礬

糯米粉

各一觔

和勻蒸糕食之常以土茯苓煎湯當茶宜忌茶

楊梅下疳臭爛不堪者

百草霜

乃燒百草人家竈門口烟煤輕虛成片者
以雞翎掃下

箭頭砂

各一錢

共乳極細以桑皮紙鋪藥撚成三條每條作三次用每次點着以紙遮住眇目將烟薰入鼻中每日薰三次但此烟入鼻令人心內作攪可先煨爛肉湯不時呷之至重者不過三條卽愈

靈藥方

梨瓶秀

水銀 一兩

劈硃砂

明雄黃 各五錢

硫黃 三錢

白礬 一錢

右研細末入陽城罐內用鐵蓋合好鹽滷和泥封固以鐵絲紮緊用銀炭十觔先文後武火升

三炷香爲度取起冷定開看取鐵盞上藥約重
二兩七錢如楊梅毒爛喉者用靈藥五分加人
中白青黛各八分乳香沒藥各五分水片二分
麝香一分藥珠一分五厘其研細末吹入喉內
日五六次三日卽全愈如爛嘴鼻再加龍骨象
皮血竭兒茶各五分琥珀二分研細摻之外以
清涼拔毒膏貼之

清涼拔毒膏

麻油二觔入鍋內熬至滴水成珠再入杭粉一觔

鍋內炭火炒紅黃色爲度篩下用桃柳棍攪成膏傾水中拔去火毒任攤用此膏諸瘡皆可用但靈藥不可用

楊梅點藥

番木鱉

性火灸存

輕

粉

各五分

杏仁霜

一錢

共乳細猪膽調搽

鶴頂紅

點楊梅瘡

杏仁

輕

粉

銀

硃

各五分

共乳細鷄膽汁調點並治鷄冠痔痔乾以唾津

潤濕乾摻痔漏乾搽

楊梅初起

蘇油四兩入銀絲三條穿山甲三片熬至山甲浮
起爲度冷定加川烏草烏末各三分壯實人用五
分次早將油燉熱服下蓋被出汗卽愈愈後宜服
防風通聖散以利其毒

又方

大鯽魚

一尾半觔
以上者

用紫背葶萍

二三觔包着鯽魚
入甕內蒸極熟

令患者先從魚嘴喫起併魚鱗肚腸喫至魚尾細

細嚼爛好酒飲醉絮一條厚蓋出汗自愈蓋過綿絮須於
無人處以火薰透
免毒貽害他人

又方

臭牡丹根皮乾研細末每服三錢好酒調服厚蓋取汗

汗出透從頭撒被漸撒至足不可見風所用衣被
一槩換去方除後患

又方

生地 白蘚皮 熟地

金銀花 當歸 大楓簾

方
卷
五

川芎
薏苡仁
羌活

五加皮
木瓜
穿山甲

藿香
槐花
防風

荆芥
各一兩
土茯苓
四兩木槌打碎

水五碗煎三碗每日早午晚服一碗十劑全愈

忌茶牛肉蛋鷺肝腸火酒

又方

乳香
箬葉焙去油
沒藥
箬葉焙去油
銀硃

水銀
兒茶
各一錢
冰片

麝香 各一分

共研細末用紅棗二兩

火煨去皮搗膏

和丸作四圓如

彈子大每日用木斗一個內放碗一隻碗內置

竈灰放炭火將藥一圓放火內燒烟將患者口

含冷水以被圍住只將鼻孔聞藥味如口含之

水一熱則吐去另換冷水含之四天燂完四圓

第五日再將燒過四圓放在一處燂一天燂之

梅瘡輕者七八日愈重者半月全愈忌鷄鵝魚

肝腸花椒發物

外治楊梅 吳普英

血丹

輕粉各等分

研勻獐猪膽汁調搽

楊梅秘方 吳普英

龜

版 醋炙研末 明礬 研

先用龜版三兩明礬七兩米糊爲丸每服五錢
早晚二服服至五日卽用龜版明礬各五兩爲
丸再服四五日卽用龜版七兩明礬三兩爲丸
又服三四日卽用龜版九兩明礬一兩爲丸服

至瘡已痊愈再以龜版爲丸服數日前後總以
每日服九藥一兩爲率忌猪首公鷄鯉魚鷄鴨
鵞蛋菜豆等物戒房事

護面散

可保楊梅瘡不上臉

女頭髮

煨

明雄各三分

研勻用香油半酒鍾調勻以滾酒冲服一日三
次

槐花蕊

張景岳

凡綿花瘡毒及下疳初感或毒盛經久難愈者速
用新槐蕊揀淨不必炒每早午晚食前清酒吞下
三錢服至二三升則熱毒盡去可免終身餘毒之
患亦無寒涼敗脾之慮此經驗神方也 如不能
飲卽用滾水鹽湯但不及酒服之效捷也

綿花瘡點藥

杏仁

取霜

輕

粉

各等分

研細敷瘡上二三口卽痂脫而落

紫霞丹

一切楊梅惡瘡

龜

版醋炙

十石決明

五錢炙四兩

硃

砂

飛三兩

共爲細末水跌爲丸每服一錢土茯苓煎湯下

楊梅瘡

重水安息搽卽愈

又方

汪玉亭普救

楊梅瘡者皆因風流所致間有侵染觸犯而得者

百無一二治之不得其法不但一身爲害而且殃

及妻兒甚有乏嗣悔之莫及然所治之法各有不

同有遏抑其毒而不令其出者有重用行藥而行
去其毒者有用升發之劑而發出其毒者有用解
托之劑而敗去其毒者四者之中惟升發解托可
用至於遏抑內收將來必致結毒若重用行藥必
致大傷元氣予有一方藥止數味卽非行托更覺
和平且無論新久不二十劑而收全功不獨永除
後患更且無碍生育但恐收功之後視爲容易又
復恣情縱慾是誰之過輿相勸患者全愈之後當
痛改前非力行善事免神鬼之鑒臨保父母之遺

體甦妻兒之遺毒培子孫之福壽所得不更多乎

何首烏

忌鐵木
棒打碎

防風

淨銀花

各三錢

荆芥

二錢

當歸

五錢

肥皂子

九個打碎

猪胰

一副

土茯苓

磁鋒刮去皮木
棒打碎四兩

河水六碗砂銚內煎至三碗每日空心及午飯

後晚飯前各溫服一碗

忌鹽醬醋茶鷄魚鶩

鴨蝦蛋鮮物止宜土茯苓煨肉豆腐青菜其餘

一切當忌

用土茯苓湯代茶

又方

川芎

葳靈仙

蟬蛻

大黃

各一錢

麻

黃

六錢

羊

肉

剔骨淨一觔切碎

水八碗煮爛去肉煎藥三碗分三次服上身多飽服下身多饑服三劑全愈

楊梅癰門主方

秘方

治梅癰並多年頑癰

紅阿膠 三錢

入桐油四兩熬數沸去阿膠卽下研

細密陀僧 二兩

收成膏藥再入乳香沒藥血竭兒

茶輕粉各淨末二錢離火和勻攤貼每張加紅昇
丹一二分摻上貼之百發百中

楊梅瘡後遺癰毒一層又一層頑皮癢不可當

牛油

相油

香油

黃 蠟 各一兩

共熔化待冷入銀硃一錢五分官粉二錢麝香五分入油攪勻俟癬癢抓破擦之

楊梅瘡愈後發癬瘡及驚掌瘋

王中城

牛油 猪油 各二兩 香油

黃 蠟 各一兩

共熔化加鉛粉二錢銀硃一錢五分麝香五分研細攪勻成膏抹癬上火烤再擦再烤如掃

楊梅瘡愈後紅黑疤不褪門主方

驗方

生大黃白礬各等分全研擦之卽消肉色如舊

又方

青菓核磨汁搽上卽褪

結毒門主論

陳實功曰結毒者瘡毒方熾未經發散或被藥火之薰蒸或因輕粉之內拔或經點藥之收斂以致毒沉骨髓積久外攻其始也先從筋骨疼痛漸漸腫起發無定處故有鼻崩唇缺咽塞喉疼手足拘攣等症治法初起者宜仙遺糧湯胰子湯經年累月毒串筋骨用五寶丹紫金丹選用頭疼欲破用吹鼻碧雲散主之

正宗

胡公弼曰凡服結毒靈藥俱以限十二日爲準

無愧青囊

又曰結毒在脚底者名曰漏蹄風

蔣示吉日結毒者結無定位皆由梅毒服藥不多內
毒未盡以致毒氣鬱遏沉伏骨髓積久外攻先從
筋骨疼痛漸漸腫起發無定處隨便可生發在關
節則損筋傷骨縱愈曲直不便發於口鼻崩梁缺
唇雖痊必破相更發於咽喉更變聲音發於手足
妨於行動入於巔頂頭痛欲破兩眼脹痛用碧雲
散吹鼻中頭自不痛初起仙遺糧湯金蟬蛻甲酒
虛弱者芎歸二朮湯年久者五寶丹不斂者十全

大補湯加土茯苓煎服毋得再薰爲禍傷人也說
澄曰每見其人並未患過梅瘡而有結毒於手足腰
胯髀間者必是先患濕熱癰瘡膿毒未經提盡急
求收功醫者遂用輕粉鉛粉收斂完功殊不知毒
氣斂伏在內久而原疤之旁起泡疼痛潰爛穿筋
蝕骨愈而復發此爲濕熱結毒內宜補耗外面須
用紅升靈藥提盡毒氣待紅肉長平方可用生肌
之法斂口

劉蕙田曰但凡曾患楊梅瘡下疳服藥而愈久後如

患後開十數證者勿作他治皆結毒證也 一初起狀如癰子後漸大而軟久則膿潰惡臭難當人不可近四圍紫而中黃白者此輕粉之結毒也切勿作癰疽治 一初起渾身拘急筋骨疼痛肉皆麻木而或有一處如刀鎚之刺痛皮膚不甚紅腫而紅色深隱肉裡此輕粉之結毒也切勿作貼骨癰治 一遍身雲頭疔瘡筋骨酸痛或時作癢抓破有白膿流出此輕粉之結毒也切勿作大痲瘋治 一頭面胸背併四肢有生硬片狀如牛皮初

癢及抓則起白屑而麻痛此輕粉之結毒也切勿作癰治 一手足掌上常生黃皮痛癢不時狀如鵝掌此輕粉之結毒也切勿作瘋治 一遍身發紅狀如火毒口渴心煩筋骨如解此輕粉之結毒也切勿作赤遊丹治 一遍身發紫赤紅斑痛癢不禁骨疼如杖此輕粉之結毒也切勿作發斑癰疹治 一腹疼如絞腸痧牽引渾身骨節疼痛不可忍久則便下膿血此輕粉之結毒也切勿作腸胃癰治 一惡心嘔吐吐出皆白水而無痰四肢

不舉飲食不下骨節酸痛此輕粉之結毒也切勿
作翻胃膈食證治 一喉嚨作痛忽然腫起週身
骨節疼痛遂用針於腫處刺破惡血雖去久潰不
能完口致爛潰通鼻竅或腐涎舌下痛不可忍臭
不可聞此輕粉之結毒也切勿作喉疳治 一頭
痛或腦痛痛則皮腫耳聾目眩牽引週身骨節疼
痛此輕粉之結毒也切勿作頭風腦風治 一渾
身不拘頭面腿脚忽生一瘡其瘡內皆豎頭肉長
流黃水久不潰膿此乃楊梅之母必竟要生梅瘡

卽用治梅毒等藥治之不治則渾身一齊擁山治則費手矣 一父母曾患楊梅下疳而服輕粉其瘡雖愈已身不發後生嬰兒三五日後或七八日後九竅之傍現出紅點紫斑片片若經三四日後卽成小瘡狀如蛇窠啼哭不止二便不通乳不能進身熱如烙腹硬如磚此父母所遺之結毒也切勿作胎毒奶癰治 嗚呼服輕粉而中毒非小毒也輕則發之於自身損形壞質傷筋穿骨甚則遺毒流傳子孫微則殘其筋骨盛則夭其壽命如此

大害良可悲也何愚夫之患楊梅而欲其速瘥求諸庸醫則暗投輕粉以及水銀升煉靈藥合成細丸與服只圖目前之速愈而不慮日後之毒發也其害人如此可不畏哉嗣後凡患楊梅瘡者斷不可服輕粉並升煉丸丹縱楊梅瘡一時不愈終有好時決不致有結毒之大害也萬勿輕聽庸醫篋口欺誑輕試輕粉之速效易愈以致貽害終身也以上十二條皆輕粉之毒切勿悞認他證見疑而用別藥治之不特治之不愈反增他劇也如此諸

般形證雖異而病原則一惟用五寶丹服之不獨可愈其患亦能解餘蘊之毒而免子孫之遺害也
祁道人曰凡楊梅瘡俱從濕熱邪火化毒而成治之者慣用寒涼清濕熱之藥其毒雖解但不思寒則凝結熱則流通日久多成結毒純陰也故用砒硫靈藥治之是以熱攻其寒此治陰結毒之法也有患陰毒梅毒瘡濕熱邪火未化久而結成陽毒故用水銀昇煉粉霜硃砂等丸治之之法

見抄本

又曰大槩治楊梅結毒等證當指後人濟世主方用

五寶丹八寶丹醫富貴人爲上法若貧士另有提
徑之法治之方載於後擇而用之無不應手

又曰凡楊梅瘡並結毒證煎劑丸藥內不可少海櫻

桃卽千年矮冬天結紅果子半枝蓮亦不可少

南京棲霞山石縫中極多

結毒門主方

五寶丹

治楊梅結毒筋骨疼痛口鼻腐爛諸藥不效

血珀

珍珠

珠

新白冰者佳

片

硃

砂

飛水

滴乳石

如乳頭下垂研之易碎明如水晶者佳各二錢

各研極細稱準共合一處再研數百轉磁罐封

貯每用藥末二錢加飛羅麪八錢再研和勻

每日用土茯苓一觔洗極淨置石臼內木槌碎

如骰子大用水十一碗煎至七碗去渣再用大

竹筒一個絹綳作篩將藥五分置竹筒中細篩
於土茯苓湯內隨手攪勻一日喫完看病上下
食前後服逐日依法製服重者四十服輕者一
二十服卽愈 忌食火酒猪首糟物海味茶醋
薑椒蒜牛羊雞鵝豆腐麪筋鮮魚 不忌者猪
肉肝肺腰子鴨

若毒結最重鼻舌腐爛加牛黃胎骨卽能暗補
其功最大陽物潰爛亦加胎骨入丹內

若毒結在鼻上加辛夷三錢全土茯苓煎湯

一方加肥皂核一個全土茯苓煎湯

一方硃砂三錢血珀一錢滴乳石二錢珍珠五分冰片三分

一方五寶丹上部丹內加川貝母三錢赤茯苓牛膝各一錢中部丹內加赤茯苓三錢川貝母牛膝各一錢下部丹內加牛膝三錢川貝母赤茯苓各一錢

邵道人秘傳五寶丹滴乳石

明潤真者琥珀能

芥子

辰砂

透明者各二錢

大珍珠

五分

冰片

二分

共研爲細

未入飛白麵肆兩乳勻每服三分用土茯苓一
觔拭去泥土以木槌搥碎入砂鍋內用水十二
碗煎至八碗濾去渣將藥篩下攪勻再煎二三
沸取起陸續一日服完 後開加減神驗法

一鼻子爛盡臭穢難聞藥中每服加靈山柴煨

鹿鼻血

陰乾

女子前三日經布

煨存性研細和
各加三厘

勻煎服隨卽生肌用此三服鼻長如故

一陽物爛盡腐臭惡氣痛不可忍者藥中加靈

山柴

煨

羊腎血

陰乾

女子前三日經布

煨存性
研細各

加三煎服隨卽生肌服完三服腎長如故

一輕粉毒流注穿爛腦頂臉面口頰四肢肩背
腿足惡臭連年不愈只用前藥煎服三次膿盡
臭除肌生肉平如故如成漏而流清水者加當
歸人參黃芪煎服

一結毒四圍小瘡狀如小蜂窠當中有瘀肉敗
膿流而不乾痛而不止者服此藥後瘡口膿水
乾疼痛除肌肉長只須三服可以全好

一人虛可加人參若瘡在上用枯梗半分浸水

煎土茯苓在下用甘草半分浸水煎土茯苓

一人虛極寒戰咬牙肢體如冰用炮附子三分入藥煎服以身溫戰止爲率不可過服

一結毒疼痛不可忍者前藥中加乳香沒藥去油

盡各三厘煎服

一筋骨疼痛不能搖動乃輕粉之毒深入骨髓

可於本方中加珍珠一倍乳香沒藥各三厘於每

服中煎之

一噎氣乃輕粉之毒流於口內爲害宜加沉香

木香

各五厘

入煎藥中服之

一服此藥後小便不利者乃藥將毒行於下故現滯結之象不須疑慮可用百草霜二錢搗井水清晨服之卽解或萊豆湯亦可

一有孕婦患此結毒凡煎土茯苓不可將臉對藥罐之口恐其氣味觸之作吐也土茯苓一觔水十二碗慢火煎之但有沫起便以物掠去煎至七碗去渣方下前末藥煎二三沸取起服之無孕者煎服照前

一結毒在於手足灣屈曲之處服此藥患愈而尚不能活動可再服一二劑其筋自舒自能活動矣

一結毒服此藥患愈須要守其禁忌庶不再發亦無他苦若服生鼻長腎之藥俱已長完第一要戒勞碌房事惱怒雞鵲牛羊驢犬蟹鱉魚蝦葱蒜韭薤芫荽蘿蔔辛辣鹹酸肥甘油膩煎炒炙燂苦茶醇醲酪酥胡椒生薑一切毒物若犯房勞怒氣則皮膚傾陷血肉相戕所長之鼻腎

從此又爛矣雖仍以前藥治之則不如前之效速也。如若食物犯毒其患復作者尚在可治不致於十分頹壞也。禁忌不但如此二者卽梅毒魚口下疳癰疽俱要禁戒調理節其飲食禁其房闌開其心胸滌其思慮適其寒溫慎其起居如此氣血調和臟腑安實正氣漸盛庶無變異之患也。

止痛生肌丸

邵道人

解輕粉結毒

東丹

用滾水飛七次

淨槐花

細末各一兩

大冰片

五厘

右和勻麵糊爲丸雄黃爲衣每服一錢或八九分或茶或酒送下服至六七日瘡上流臭水十數日化腐生肌一月全愈

八寶丹

邵道人

鍾乳粉

製五錢

辰砂

飛三錢

熊膽

珍珠

琥珀

西牛黃

冰片

各一錢

飛白麵

炒研五錢

共研細末磁瓶收貯凡治楊梅瘡結毒每用一

分土茯苓半觔煎湯調下 如毒在下部加意

苡米五錢配用

靈砂黑虎丹

治楊梅瘡後頭如破裂之疼痛筋骨拘攣痛不可忍或起冷痰包膿水淋漓兼治陰結毒一切濕痰久頑陰寒久不收口之瘡凡結毒頑瘡先服五寶丹或八寶丹必用此藥收功永遠不發

白

砒

三錢將砒用菜豆水煮過入罐內昇五炷香取出以白蘿蔔同煮過入藥

寒水石

煨

百草霜

各三錢

金頭蜈蚣 二條焙

大黑豆

一百二十粒

冰片

麝香

各一分

右研極細和勻用小紅棗四兩煮熟去皮核全
搗爲丸如豌豆大每服二九日服三次冷水或
茶送下服是藥口服胞腫則藥力到矣緩一日
再服忌喫熱湯水宜喫大暈以免嘈雜其黑
豆生用冷水泡軟去皮搗碎加紅棗肉丸得起
便罷不必多或加西黃三分更妙

解毒丸

邵道人

治楊梅瘡楊梅漏服過靈藥久不愈者必內有

輕粉毒爲患

黑

鉛

一觔打成片
剪如豆大

山中黃土

一觔研
細

二物入鍋炒至鉛化去鉛不用只將黃土水疊爲丸每服三錢酒送下十服卽好

結毒擦藥

水

銀

一兩五錢

生大黃

大腹皮

炒

膽

礬

各一錢

輕

粉

一錢二分
甘草

番打麻

六分患重者加三分

共爲細末用真麻油調作四十八丸每日早午

晚共用十二丸擦手四灣脚四灣口含冷水熱
則吐去又換冷水含之 第六日如鼻中有惡
氣味並有瘡用大楓子肉十五個麝香三分研
爲丸不時嗅之盡一日之用 第七日用麥麩
二升甘草四兩煎水洗浴 第八日可出房門
可喫雄猪肉至半個月諸物不忌只忌鹽醬醋
酒辛辣之物房事斷要忌一百天 第八日用
生地當歸川芎白芍山查枳殼牛蒡銀花水煎
服服十劑後再服當歸川芎白芍熟地人參陳

皮白茯苓炙甘草水煎服

薰法 秘方

治楊梅結毒並梅瘡疔瘡破爛者卽生肌完口
患者不肯服藥者宜用此法

祁陽炭

卽鷄骨炭一兩五錢先將炭燒着透復悶
熄先研細末

面粉

五錢

銀

硃三錢

共研極細末用棉紙入藥捲成九條 先將房
內板縫窗扇糊得不透風將香爐放桌上將條
子點着坐於桌邊以鼻嗅其氣口中噙冷水熱

則吐去又嚼冷水以烟盡爲度九枝條子分三日薰完如瘡在上食後喫烟用川芎煎湯當茶喫如瘡在下食前喫烟用牛膝木瓜煎湯當茶喫每日三次如嘴腫痛卽是毒從口出又停數日再喫先放白礪砂在口裡再含水更妙如口臭腫痛以萊豆煎湯喫或蜜糖亦可用蘇薄煎湯漱口過七日後再用解毒煎劑

楊梅結毒舌爛鼻爛龜頭爛

秘方

黑狗頭

一個用黑鉛一兩裝入腦內用鹽泥封固入金粟火煨紅取出冷定研爲細末聽用

乳香 去油 沒藥 去油 鉛霜 各三分

輕粉 二分 硼砂 一分五厘 明雄 一分

寒水石 四分 金箔 十張 製鉛 一分一錢五

共乳極細末磁瓶收貯 凡舌斷米泔水葱茶

煎湯溫漱拭乾上藥待長一二時許洗去藥又

漸漸搽上 凡龜頭爛者以葱湯薰洗搽藥待

長又洗又搽

碧雲散

結毒入於巔頂以致頭疼眼痛如破者吹之

驚兒不食草

川

芎

各一兩

青

黛

一錢

共爲極細末令患者口噙凉水以蘆管吹藥於左右鼻中取嚏爲效吹後吐去凉水若不噙水便要嗆喉並治風火時眼眵淚外障吹之亦效

薰洗法

蒼

朮

一兩

點紅川椒

三錢

水五碗煎至四碗入罐內將患處對罐口以熱氣薰之俟半熱傾於盆內淋洗患上以潔淨布挹淨後用解毒紫金膏

解毒紫金膏

楊梅結毒腐爛作臭膿水淋漓諸藥不效者

細塊礬紅

明淨松香 各一觔

共研極細麻油調稠先用前湯洗淨拭乾搽上
此藥油紙蓋好軟絹裝緊毋令血行三日一換
如無前湯薰洗只煎葱艾甘草等湯俱可洗換
又治諸毒頑腫等瘡神效愈後忌食發物煎炒
神仙碧玉膏

結毒潰爛臭穢疼痛不斂以及血瘋腫瘡並效

輕粉

杭粉

各一兩

白蠟

五錢

乳香

沒藥

各三錢

樟冰

二錢

用公猪淨熟油五兩全白蠟熬化傾入碗內將上藥和勻水內頓一時取起臨用搥脚挑膏手心中捺化攤油紙上用葱湯洗淨瘡上貼之

結毒靈藥

楊梅結毒腐爛作臭或咽喉唇鼻腐壞日甚

硃砂

硫

黃

雄

黃

各三錢

水

銀

一兩

共研極細入羊城罐內泥固鐵盞梁堯固緊封

口點三炷香爲度用水擦蓋內火畢次日取出
蓋底靈藥約有一兩五六錢治等常腐爛之症
用靈藥五錢輕粉五錢和勻研細小瓶封貯紗
封瓶口臨用甘草湯洗淨患上將瓶倒懸紗眼
內篩藥患上用單油膏蓋一日一換自效男子
婦人咽爛者用靈藥一錢人中白二分研細吹
之日用三次內服不二散其疼卽止隨可飲食
硫黃不二散

楊梅結毒發於咽內腐爛疼痛湯水難入者

硫黃一錢
靛花一分

共乳細凉水一酒杯調服其痛卽止可進飲食
單油膏

貼結毒摻靈藥

麻油二觔熬滴水成珠續下杭粉十三兩攪勻成
膏傾入水內片時取起任用

十服神效湯

胡公弼

楊梅結毒流注筋骨疼痛不論已未破爛神效

升麻

皂角刺各四兩
土茯苓一觔

頭頂加白芷 胸中喉面加桔梗 胸前加白芍

肩背加羌活 下部加牛膝

俱只加一錢

共一劑水八碗煎四碗臨服入麻油三匙一日服一劑十劑全愈此神方也

結毒牛黃丸

胡鳴岐

專治楊梅結毒小兒胎毒下疳神效

揀透明雄黃四兩研細取蘆柴截筒將雄黃末裝入麵塞筒口將鍋內放水上用蘆柴作架取雄黃筒橫放架上離水二寸許蒸四炷禪香足火候方

到次早取出雄黃每雄黃一兩入好牛黃四分不可少麝香五厘配定研勻老麵糊丸黍米大每早空心用猪胰子煎湯送下四分諸物不忌只忌蝦蟹二味服至四兩全愈

結毒久爛

秘方

土茯苓

一觔

生 姜

四兩

共煎數碗服之不十日而愈其潰處以藥汁調

麵糊之漸愈

曾有陽物爛完半年不愈服此得生

楊梅疔毒臭爛不堪者

周鶴仙

橄欖核

一個燒
灰存性

真冰片

三厘

共爲細末用麻油調塗無比效方也

滌空丹

汪如忠

治結毒楊梅頑癰瘰癧

食鹽

四錢

明礬

火硝

皂礬

水銀

各一兩

白砒

三錢

研細炒老黃色入陽城罐升三炷香冷定刮取

靈藥一兩加

明雄

硃砂

血竭

乳香

去油

沒

藥

去油各六錢

槐花米

淨末

穿山甲

焙淨末各一兩

和勻研細老米打糊爲丸如蘿蔔子大每服一分一日三服用土茯苓四兩猪牙皂角一條照各部位再加引經藥煎湯送下

楊梅結毒頭痛之極用之神效

何首烏

不犯鐵器

天花粉

苦參

荆芥穗

肥皂子

防風

各一兩

共爲細末每用七分五厘用土茯苓四兩猪油

一兩五錢水三碗煎一碗半每食後片時用藥
汁半碗調藥末服一日三服

曾服輕粉筋骨疼痛

當歸

川椒

細茶

黑鉛

甘草

各四兩

右判劑分十服水煎服或後加麝香一分亦妙

頭面結毒

川椒

出桃花洞者佳嚼半粒口不能言者真去
日入錢

斬艾

去筋膜
一兩

白茯苓

二兩

麻

黃

去節二
錢

猪頭天靈蓋

火煨存性五錢

研爲細末蒸餅打糊爲丸如菜菔大飯後白湯送下三錢服後二三日瘡口乾燥不臭是其效也服至瘡口平復方住患久者宜間服十全大補湯去川芎十數劑忌牛羊魚腥房慾火酒

楊梅結毒方

土茯苓

五兩

甘草

六分

天花粉

蟬蛇

去足

麻黃根

各一錢

杏仁

去尖

肥皂子

皂莢子

各七粒

白僵蚕

全足者一

右俱忌鉄器水三碗煎一碗毒在上食飽服毒
在下空心服二十劑見效楊梅瘡十年者五十
劑全愈忌麵胡椒犬肉房事發物燒酒蒜爲妙
奪命紫金丹

治楊梅漏瘡並諸瘡毒破爛見骨經年不收口
者或筋骨疼痛不止或遍身破爛出血起皮一
層又起一層或驚掌風赤白癰風諸般頑癬或
骨爛牙疳口臭臙瘡惡毒併皆服之

琥

珀

一錢甘草水煮一炷香以新青市漿之打
碎再用糯米泔水浸透將磁盤盛糯米琥

珀放米上飯鍋上蒸熟為度將琥珀利刀切片如紙薄研極細末

鍾乳石

二錢五分即滴乳石甘草水洗新瓦罍焙用老薑切片鋪銀罐內乳石放薑上以鉄

蓋蓋之鉄絲裝緊用文武火煨一炷香冷定開看取出另研極細

珍珠

包豆腐內煮一炷香火不可太大

冰片

另研

西牛黃

另研各一錢

硃砂

研細水飛五錢

右乳極細每服只稱五厘加飛羅麵炒二分五

厘合計三分為一服土茯苓湯調下每一小料

用丹藥六分炒麵三錢分作十二服土茯苓十

兩水煎分十二碗去渣每早用湯一碗入藥一

服攪勻服之不可別飲茶湯多煎土茯苓湯當
茶十二服完病亦愈矣忌鷄雞羊肉房事

楊梅結毒神方濟生

滴乳石三錢五分 琥珀 人中白煨各二錢

硃砂 珍珠各五分 西牛黃

冰片各三分 乳香二分 石青頭上用五厘鼻上用

三厘

蟾酥毒甚者加五分

右爲極細末每用六厘加飛麵三分和勻聽用
先用土茯苓一觔洗淨木槌打碎入河水十二

碗瓦器內煎至八碗再將湯濾起將土茯苓先
鋪一層在底上末藥放在土茯苓上週圍以土
茯苓圍住再將土茯苓湯輕輕傾下再煎至三
碗一日飲盡忌一切發物

解毒至寶神丹

馮氏

治楊梅結毒一切熱毒久患骨蒸熱毒流注六
脉俱數用之清熱毒神效

人參三七

微火焙
二錢

嫩滑石

三錢

珍珠

生用

真血琥珀

各四分

生甘草

一錢

各研極細和勻每服二分加至三四分人小者
一分加至二分草薺三錢煎湯調服

飛龍換骨還元水火仙丹

專治遠年近日楊梅結毒誤服輕粉筋骨疼痛
癰腫下疳陰蝕濕痰流注氣瘰發背喉舌潰爛
目鼻破損遍身梅豆梅癰鶴膝血瘋臃瘡魚口
便毒服二十日全好忌酒醋色慾發物初服四
九十日後服五九二十日後服至七九再不可
多加其藥俱用老米打糊丸如黍米大每日服

此丸俱用土茯苓四兩猪牙皂角一條爲主不
可缺此二味再照後開引經之藥全煎用河水
井水各二碗煎成三碗每早以一碗送丸藥餘
二碗留爲午晚當茶喫但須看人虛實虛者服
此必發寒熱頭痛喉疼口臭不必驚恐停止三
兩日再服

製粉霜

真阿魏

各五錢

槐花

三錢

當歸尾

白芷

小丁香

乳香

不去油

沒藥

不去油

雄黃

黃

硃砂 各一錢
牛黃 五分
冰片 三分

製砒霜 一分

修合為丸硃砂為衣磁瓶密貯勿泄藥性

昇粉霜法

水銀一兩五錢火硝一兩三錢白礬皂礬食鹽

各一兩礬砂三錢共研勻入羊城罐內盛泥

封固昇打文火四炷香武火三炷香候冷開看

鐵蓋上藥刮下聽用看人虛實毒之輕重久近

至重者一料入粉霜七八錢再不可多

昇白砒霜法

白砒霜四兩打碎如指頭頂大塊聽用取菜豆

一升煮汁二碗去菜豆不用將菜豆湯入甘草

一兩全煎至一碗去甘草揸將汁一碗浸砒霜

一日次早煎乾為度入羊城罐內盛泥封固打

文火兩炷香武火一炷香候冷取出看鐵蓋內

有時如石榴子有時如灰樣此兩色始堪入藥
若非此二色不可用

湯引開列於左

一楊梅結毒生於頭頂或爛見骨至重者昇粉
霜只用三錢昇砒霜只用一分五厘湯引內
加川芎藁藥本各五錢煎湯送下

一結毒生於眼上昇粉霜只用一錢五分昇砒
霜只用一分湯引內加川芎白芷藁藥本燂蠶

各二錢煎湯送下

一結毒生於鼻上昇粉霜只用二錢昇砒霜一

分湯引內加山梔川芎各二錢煎湯送下

一結毒生於喉中昇粉霜只用二錢昇砒霜一

分湯引內加天花粉石菖蒲川芎各二錢煎

湯送下

一結毒生於臂上昇粉霜只用二錢昇砒霜五

厘湯引內加川芎柴胡各二錢煎湯送下

一結毒生於臂膊上下兩脇昇粉霜只用四錢

重者五錢昇砒霜只用二分天花粉末五錢

二寶丹

治男婦楊梅結毒或在頭腦咽喉鼻中潰爛
腐臭可限十二日完口全愈永無餘毒雖後來
生育毫無遺毒

劈硃砂 明透者二錢研細用清水揉洗漂去浮紅
然後又乳再用清水飛過去脚晒乾只用
淨末一錢五分

好滑石 刮去黃一兩研細入水揉洗去淨腐而黃
色者晒乾又乳水飛數次至豆青色取起
晒乾再乳細只用淨末二錢五分

右二味共研極細重四錢足均爲十二包每包

三分三厘用土茯苓每日一觔以清水洗淨將磁瓦刮去外面黃皮用木槌打碎先將藥末三分三厘放於砂鍋底內再將土茯苓蓋上入河水四碗半做一制子於中驗其淺深再加井水四碗半共煎至四碗半爲度去渣用新瓦壺盛之分爲三次早晨午後晚間當茶溫服如此不可間斷連喫十二日卽愈 食忌最嚴如油鹽醬醋茶酒糖物毫不可犯只可食白水雞猪肉青菜梗煎時忌鐵器與陰人手如梅瘡初起之

時必先用羊肉煨食托出毒來方食此藥 洗
瘡用菖蒲煎湯洗之

補鼻還原法

楊梅瘡結毒爛去鼻準或爛去陽物俱能生長如舊

方用乾元

一錢 製乾元法取乾元一個乾元即頭胎男子胞衣竹刀刮去血新汲水洗

淨炙乾再用大粉甘草半取起將乾元放磁器內以汁再慢火熬至一碗半

陸續澆灌汁盡為度入磁罐內黃泥固濟炭火煨紅待冷取出如烏金紙色樣磁罐收藏聽用

砂珍珠琥珀

各二錢 滴乳石 煨三 冰片 一分 共研極

細末和勻老米飯搗凡菜豆大每用土茯苓四兩

煎湯送下初起服五分二次服三分後皆以三分

為率服至一月鼻長如舊但未服藥時先到車匠

店車成一端端正正鼻式外以黃蠟溶化澆木鼻
上取下木鼻將蠟澆就鼻子用火烘粘在土星處
待一月藥完取下蠟鼻看新長鼻子至正何如如
不正速用出蛾蚕繭一個煨存性爲末黃蠟凡芥
子大熱酒作一服送下如要速蠟可用蚕繭二三
個煨服次日漸爛三日後照舊爛平仍照前法用
蠟鼻粘上服藥候一月藥完其鼻又長全矣如陽
物爛去亦照玉莖黃蠟澆
成火烘粘在根上用土茯苓四兩天花粉
五錢牛膝三錢煎湯服藥一月藥完莖如舊矣終